



松湖集
天

辭詩

~ 16
2370
1



和
2370
卷一-3

松湖集目錄

卷之一

辭

詩

卷之二

詩

卷之三

詩

卷之四

疏

松湖集

目錄

啓辭

箋文

卷之五

序

記

題跋

墓表

行狀

卷之六

雜著

松湖集目錄終

公湖集目錄



松湖集卷之一



辭

和陶淵明歸去來辭

歸去來兮松湖居士歸歟歸居士自檢其平生兮一
則悲而二則悲悲夫馬得失之誰辨兮烏雌雄之相
追如何不量而入兮心與事而皆非棲遑外內之末
官兮亦君食而君衣欲報之而罔極兮才則拙而力
微鍾鳴漏盡馬走牛奔弊廬南山荒畦東門長歌短
咏素志則存江湖日月濁醪匏樽松篁奏其好音兮
魚鳥送其歡顏人生何必富貴兮心所安而身安門

本清集 卷一
常設於雀羅兮又何事於牢關殘棊散於敗局兮倦
睡餘而流觀蘆芽長而鰕魚肥兮漁子報其春還芒
鞋竹杖兮老氣爲之桓桓歸去來兮風埃不可以久
遊八九事之不如意兮七十翁之何所求下策白首
之吏役兮又無奈乎識字之憂滄浪之自在兮纓足
之者其疇不聞風浪能覆虛舟吾廬之吾臥兮孰吾
爭此林丘雖不得以長往兮亦何耐乎同流百無能
其可取兮三不啻其宜休吁嗟乎雖千駟猶弊屣兮
豈以五斗米而淹留於是乎身與世而兩忘之失之
何所惜得之非所期東風十畝之閑閑兮夫可耕而
婦可耔兒獻盃而作歌兮翁拍樽而吟詩殘年萬事
之無不足兮歸去來兮莫遲疑

詩

雙樹城送人

客地逢迎好花開酒熟時孤城遙野盡明月大江遲
古樹風何語虛簷雨有期人生苦擾擾相見又相離

與孟道任

重遠

兄弟作軟泡會於麻谷寺

前輩蘭亭後江湖文酒閑浮生幾會面大白一開顏
佛力花爲雨詩料雪有山如期上方月亦趁暮鍾還

戲次道任

策杖登登山路窮林疎遙識殿扉紅煩僧繫馬禪枝
下倩客題詩佛壁中勝地不常况新月故人相見又
春風霜眉老釋來相賀今日文星耀梵宮

送崔都事

益秀

赴關東幕

二首

九郡書來壯我思西風吹馬又東馳鏡湖波自三春
好楓岳山尤九月奇未有如君天下賞豈無先此嶺
東詩百年乾沒成多病自笑尋真已較遲
聞說關東多勝遊騷翁天許臥仙州滿簾嵐翠依山
郡入枕濤聲近海樓官號清閑應暇日地饒奇勝况
高秋霜林十里筍輿路詩不干篇興不休

孟道任輓

未信君今死長圖胡短期人應非季世文亦少當時
不平常愛酒未遇晚窮詩欲知天理在如父有三兒

南監役

道振

輓

三首

知者謂公屈不知者謂拙知之既如是不知又何說
括囊於人世晚喜多有得一閉弄丸齋海東遂無易
結屋龍門下繞屋龍門色白露濕黃花滿眼寡孤哭

金正郎

定五

輓

四首

幼吾遭愍凶惟兄與爲生隨兄宅仁里我兄實公甥
公嘗憐我孤視我如我兄自蒙撫頂來而今髮欲明

哀歌欲把筆但有涕縱橫

往在龍蛇日時運當百六波漫柱獨立如公不可得
豈以西州豪終漏黨人籍尚記南海歸屈強猶如昔
笑矣謀公輩夫豈知公確

卜築漢溪陽墳篋晚年娛蔚為後生仰仰之無賢愚
人而孰無老不賢老云乎以是三老在活源遂有儒
不然文會堂安得名於湖

七十年已稀三品官非卑人或謂公福我獨為公悲
若謂仁者壽公年未期頤欲於郎僚止何以生公為
螟兒有四子是以慰公歸

湖寺夜集聯句

丙辰登第時

湖上禪房抵暮投十年人事感曾遊原明居然少弟

為烏帽不信吾生已白頭時甫忠孝家聲須共勉風

波世路足堪愁原明惡緣了去非無喜厚責擔來更

覺憂繼之荆玉三朝吾不恨王門兩及爾應羞文素

許多未了商量事秉燭相看意更悠原明

叅議族祖命疑輓

今世誰云無好人於公吾獨見天真涕淚晚年憂社
稷風流少日動簪紳巖廊事業歸兒輩林壑優閑有
老臣最是明春花樹下一門無地講敦親

送金叅判

龍慶

赴燕二首

熟讀周詩三百篇使乎今去向何天百年鰈域猶牛
後萬里龍堆又馬前遺曲尙傳三戶楚悲歌應聚古
臺燕海東民俗如相問頭上人皆漢日懸
九級峩峩皇極殿金繒車載又幽州應非吳札曾經
路須問文山舊閉樓何處可尋周日月此生惟有魯
春秋百年窮海書生淚重爲君行不禁流

送金督郵

光俊

之任利仁次其驛南樓韻

湖海詩人去山川暮雪橫官閑應酒事興到或山行
春入寒梅意江聞白馬聲人如公事問亭以二松成

和奉韓道貫

以一

江山之勝廣湖云湖上主人知是君老去自稱於酒
隱向來人或以詩聞笑看拍岸來春浪靜愛棲簷有
暮雲我亦晚年思卜築烟霞一面可能分

金重汝

碗

四首

哭死誰無悲哭公悲不已善類所共悲是可慰公死
進而無所得退亦多不平兀然手古書四時一草亭
屋上有青山屋後有飛泉客來問主人堂空月自懸
昔我來見公溪堂春暮日人事一俛仰百花又三月

金叅判

龍慶

四首

廊廟金鍾在簪紳玉佩宜感慨不可諉世路日凌遲
獨立向江漢我哭非我私

皇華公去日薤露公歸時嗟哉命所從已矣天難知
悲鳴駟馬顧失涕萬人垂

大兒既云賢小兒亦自好公生固弈弈公死不草草
所以臨命日家事一不道

昔余送公去歲暮關河雪今余哭公歸漢水春波咽
人事有如此惻愴不可說

送李元亮

亮臣

之燕

二首

灤水西頭廟貌開清風千古此中來須君濯淨東歸

袂休帶腥塵一點回

右清聖祠

荒臺客散但黃塵君去應逢攬涕人為說魯連滄海
畔彈丸有國待賢臣

右黃金臺

西洲族祖

命燮

輓

中則天真外栗溫於今吾見古人存滿前兒戲惟欵
枕垂老郊居獨掩門樂在琴書貧豈病尊兼齒德爵
休論生芻永負幽明別目斷湖雲涕暗捫

直指寺示家姪漢鼎

長夏牢愁撥不開一年秋興此登臺浮嵐濕作孤峰
雨飛瀑喧為特地雷溪水欲流山影去晚風常送鳥

聲來肩輿十里藤蘿路不到諸天不許回

砥柱碑

感慨如朝暮登臨復我曹古今流水去天地此碑高
脩竹風何語喬林鳥自號沉吟立馬意斜日照江濤
同從兄彦哲及道貫作水落山之行馬上呼韻
澗鳥松風終日聞一山清賞老僧分道然一笑下山
去明月山中惟白雲

聞金稚明

時粲

言事謫黑山島

寒窓吹雨夢初回兒道長安消息來天意不知何日
定風波又是一番催危機白地有時作此路黑山從

古開衰疾未堪憂世事不如高臥進深盃

公城館

雨坐公城館新鶯啼自如村情布穀晚花事杜鵑餘
客路長奔走山雲自卷舒悠然動懷抱歸夢滿鄉廬

同伯氏從氏游雲松亭

二首

春湖訪故人故人惟一笑默默坐相看人生今日少
每說東湖勝君道桃花是是到君家先問桃花事

僉樞族叔

晉基

輓

若謂今時人不古吾宗何得有斯人不官去作湖山
客有子教成文武臣波靜錦江思氣味雪晴鷄岳見

精神華南把酒渾如昨可耐重尋花樹春

辛酉三月同堂兄泰仲氏

彥吉

金禮卿

和行

權

生馨作天磨行凡五日而返得詩三十泰兄主
令用三淵集中韻不分硬軟皆用初拈

花石亭

春遊浩若出樊羈花石亭前雨更奇後死不堪增感
慨先生猶未見艱危休教鳥雀喧庭樹尚有魚龍護
壁詩浮世百年山仰意一江烟水渺無涯

赤壁

春水乘船爽滿襟蒼崖欲作半江陰雲深岳色何由

見鶴窅仙蹤不可尋巖石巧當危鵲立客詩清徹老
龍吟迢然臥聽蓬窓雨直到寒汀暝靄沉

善竹橋

清風誰不伯夷聞名姓今徵樵牧羣誰遣流泉鳴斷
隴空留暮雨濕凝雲草深古道長埋血苔沒殘碑半
蝕文獨立沉吟千古事夕陽鴉噪七王墳

松都

滿月臺前山月圓月圓能得幾千年山河滾滾空流
水客路悠悠又暮天未必相悲桑海後不知誰遣劫
灰前沉吟欲問興亡事雲際歸鴻益窅然

麗太祖陵

荒城一望俯周遭
掠水斜陽燕雀豪
轉海成田真若
此斲山爲葬亦云勞
愁雲暗結寒臺晚
伯氣空連老
柏高看取向來辛苦業
太平贏得付吾曹

杜門洞

荒城西畔問歸樵
古洞徘徊意未聊
隣近顯陵魂共
衛蘄蟠松岳氣難消
春歸薇蕨非周雨
日照柴桑獨
晉朝可笑人間長樂老
至今青史付囂囂

紫霞洞

山影欲斜山日陰
寒溪九曲坐人深
疎林石出何山

色絕壑花開故國心
王業半千悲晚笛
春衣六七敝
幽琴銅駝古陌村
烟起欲問興亡祇苦吟

崧陽書院

故國繁華攬涕頻
崧陽古院一團春
東風去作何山
好霽月留看本色
新淚外乾坤悲麥秀
眼中今古閱
風輪姓名尙遣村婆誦
知道南朝第一人

花谷書院

一色天雲澹澹如
荒祠客到鳥鳴初
雩壇晚興同春
服洛水真遊憶小車
風靜花陰瞻灑落日
搖潭影挹
明虛攀援古樹幽
吟久自笑狂生老轉疎

大興洞口

山路登登山欲陰山窮始覺杜鵑深
僧將峰影歸遙壑鳥送新聲出斷林
絕頂奇巖呈本相層崖高木老何心
若爲直上藤蘿外領取天磨幾萬岑

觀音窟

世界微茫業障遮慈悲本自在禪家
谷明認有毫光射崖削仍知慧力加
花老淨瓶應有露水流明鏡本無渣
翛然一宿禪房去回首茫茫滿洞霞

太宗臺

荒城西畔亂山低年代淒涼月滿溪
可耐流光同水

逝也應初計欲天齊深潭波黑騰龍
氣老石苔斑上獸蹄我欲倩工作圖
畫移來常掛九重西

朴淵

晴虹百丈鬪驚灘急峽雷霆白日寒
天下山爲廬岳易世間詩得謫仙難
喧空鳥雀鳴何有蹙起蛟龍睡未安
暮倚虛亭扶小醉爽歸春酒徹曾肝

將臺

危臺獨上日西春自笑儒冠倚將峰
時清坐睡千羣虎令肅深蟠一壑
龍山欲俯聽元帥命地疑高躡列
仙蹤化翁也解兵威助白日蒼崖
吼巨鍾

堂兄坡山使君有約不來

仙山勝賞共阿誰弟唱兄酬亦一奇世道自來多缺
陷人生安得不差池峰回絕壑望愈苦花好前林看
更遲山鳥不鳴山日落詩成南陌憶連枝

趙注書

光林輓二首

家世嘉林大文章之子多通衢方濶步巨壑忽歸波
天意有如此人生將柰何沉吟感存沒稍稍動悲歌
常理宜無怛於君淚未禁鴈寒江樹暝猿哭峽雲深
上第非芳歲中身遽厚陰承家一子秀是或見天心

漫次杜工部韻

三首

雲散風高霜滿林夜堂秋氣聽蕭森孤鴻歲晚惟歸
意老樹天寒自薄陰拙宦益知浮世事悲歌聊復暮
年心空林雨黑丹楓暗山鬼幽吟雜曉砧
獨對黃花搔白頭乾坤搖落又逢秋流年可耐蘧瑗
感落木空添楚客愁不寐悲吟依病鶴相隨歸老有
沙鷗諸公付與昇平事白日笙歌滿帝州
江湖歸夢日逶迤憶我家臨錦水陂長枕大衾聯棣
萼瓦盆濁酒醉花枝衰門強爲科名出素志還因仕
宦移點檢一生成兩失末官奔走鬢霜垂

月夜

野濶山高天宇空一年佳興九秋中不愁夜久沾衣
露且喜辰良落帽風瘦舞爲憐同病鶴哀鳴何意獨
歸鴻清宵遣悶誰無月兄弟三人未易同

拈唐律韻同伯仲氏賦

不禁秋士感倚杖立斜曛衰謝皆楓葉哀鳴亦鴈羣
今宵應有月明日欲看雲賴有親朋至清談雜古文

戒緯兒

十五人年已是多今年又過欲如何玉良猶待經追
琢劔鈍尤宜費淬磨不學何殊面墻立聽言還恐耳
風過吾家詩禮青氈在從事於斯不願他

勉益姪

頂天立地是男兒何憚不爲吾所爲汝有念時宜有
動吾無教術欲無辭籍咸曠達羞同傳龍杜賢豪可
擇師使得立揚非不喜未應能事止於斯

示宋婿禮甫

煥五

君家先德昔何如及到君身澤已除學貴勇前宜慥
慥人無恒少莫徐徐百年趨利心無足一日爲仁力
有餘使得逮聞庭下訓也知無過讀詩書

同伯氏飲道貫宅

忽忽流光當歲晏愁居十日萬林間極知此世無圓

滿莫惜殘年數往還一醉與君真不易微官於我豈
相關山陰回棹曾何意不到君家興不刪

伯氏在道貫宅有作成一軸袖示要和席散後
用其韻追賦

孤村歲暮動寒砧客散虛亭天欲陰浮世偶成三夜
話新詩各訴百年心鴻飛曠野江雲合馬度寒溪峽
樹深人事自來多聚散閉門危坐獨沉吟

同伯氏及道貫各賦得山字

可笑松湖子爲官亦在山放歌遊世外安步出林間
清愛孤桐語寒憐老栢顏江天雨初落騎馬故人還

尹校理

得敬輓

清秋赤壁許同船爲是今年壬戌年丹旌一片此相
送疎雨臨津七月天

奉呈趙尙書

觀彬○二首

久苦紅塵裏今從火繖中真知盾日畏深憶傅霖功
牛喘誰憐汝蛙鳴亦廢公松陰成少坐喜爾獨清風
撲面氛埃漲平頭草樹深林啼蟬得意江浴鷺何心
歧路行誰使滄浪笑獨臨沉吟夏畦畔西日下遙岑

次韓子良

最增

獨鳥歸雲湖上樓相思不見暮江頭蘆花兩岸沙鷗

睡明月中秋亦勝遊

觀水樓卽族叔泮湖相公

拓基

別墅也李尚書

箕鎮

有八咏詩次其韻奉相公案下

千年佳氣樂哉丘鬱鬱杉松翠欲浮吉慶將來歸

聖主風烟收拾上吾樓

右珠丘佳氣

夷齊去後首陽空百世長留不死風漠漠腥塵一天

地我來瞻拜古祠中

右石室清風

孤雲獨鳥廣陵津描畫除非筆有神臥看軒窓帆影

落晚潮知是有歸人

右廣津落照

月照襟懷寒水秋西風悵望立空洲波濤極目江天

暝柰爾橫流學海舟

右三洲朗月

急灘纔過又深淵出沒風帆落日前爲問苔磯閑坐

叟世間何地不危船

右巖淵暮帆

雨過前江喧急湍烏啼月落夜霜寒楓林漁火深難

見但聽輕鷗起淺灘

右王灘夜漁

急風吹雨度江關咫尺頑雲不見山雨過風回山獨

立依然真面碧螺鬟

右丹山驟雨

金湯形勝本天成一夜誰令玉作城應恐

九重薪

膽懈眼中長使白分明

右南漢霽雪

洪府尹

啓裕

輓

元祐完人劉器之非吾阿好世同知立朝直道誰能
信罷市邊氓本不私猶記扣鍾聽高論亦應亡鑑起
宸思人生自古疇無死死也難為善類悲

同金士彬

文行

南正叔

蕭寬

守歲于

穆陵齋

舍呼韻各賦

送歲年年常不眠山中送歲更依然相逢今夕是何
日一笑故人非少年風雨論心樽酒瀉松杉伴直夜
燈懸客間鼎話成奇事遂復留連到曉天

同正叔呼韻各賦

官居蕭瑟滯空林簷際輕雲落晚陰少酌村醪排雪

意閑尋庭樹問花心禽喧暖日三春近客臥寒齋萬
木深坐想悠悠浮世事憐君猶自操希音

道峰書院重修還安後諸君子有詩次其韻

首

白石清流洞府深雩壇春服爽曾襟潭虛月照先天
象松老風傳太古音桑海微茫浮世事唐虞寂寞向
來心孤生百感空山暮林雀悲鳴伴苦吟
灰劫經來廟再新萬林星月肅巾紳一天風雨世方
夜滿洞烟霞山不塵百六曾丁道喪日二三今得志
同人咏歸門外獨怊悵流水白雲空復春

沈大仲 鏞 携酒來訪

詩翁每被麴生欺折簡招招來苦遲忽與故人勤遠
訪一庭烟雨杏花時

和道貫

人生容易髮成絲莫遣塵愁數上眉未老已無供世
志有詩皆是入山辭禽應見慣啼相近客爲情親起
每遲最是尋常意到處萬林黃鳥日西時

李季文

度臣 輓 三首

吾黨日零落吾道日淪沒沙洲舊世家又失好人物
吾嘗愛君淡君亦知吾拙耿耿一心在悠悠千古別

奕奕卿相家兀兀讀書人士友悲其死悲不在其身

緯兒冠日奉和伯氏

墻面知由不學詩聖師明訓倘聞之苟無言行爲人
許雖得功名莫汝奇未教以身還愧父有冠於首孰
稱兒人年十七猶非晚須勿悠悠失此時

送族叔大哉氏

字基 赴燕 四首

堂堂珂馬去朝天一路雲烟直八千未必非爲男子
事恨君生不百年前

三百周詩讀已通今之專對孰如公若知終備茲行
用掩卷先應廢匪風

金臺落日客悲歌君去相逢意若何但道國於東海上魯連蹈後挹餘波

古蹟千年華表柱壯觀天下巫閭山但於清聖祠前路宜疾其驅莫舉顏

尹老彭

志述

改葬輓

二首

特立乾坤以直行公能不愧士爲名扶綱祗遂陳東志有母非無孟博情我所欲生知義甚人誰無死貴仁成辛勤 列聖栽培力三百年來一老彭

荒原草宿廿年周孝子攀和入海陬白露重沾當日淚黃花不似舊時秋惟應化氣扶人紀尚有聞風起

士流獨立風塵無與語滿前蛛志祗堪愁

宋善叔

述相輓

尤翁之下難爲孫生爾如能大爾門尙記高談傾滿座未應奇氣閉荒原家聲零落托何處士類嗟傷無異言寂是暮林啼血地忍將何語慰君魂

中宮殿端午帖

二首

天晴別院綠陰多黃鳥飛鳴 御柳柯蒲葉酒濃浮瑞靄榴花香綻透輕羅齊呼萬歲千官集恰慰三農一雨過賴有陰功資發育坐令區宇遍陽和

宮門催曉色王母進金桃蕙畹和風轉莫階瑞日高

舜琴治固大周葛化方陶萬歲南山祝仙娥奉法醪

大王大妃殿端午帖

二首

蒲葉青浮觴榴花紅透簾東方千歲慶南極一星瞻
抗冕神功普 含飴至樂添千官爭獻賀喜氣失朱
炎

天晴禁苑晚烟收宮柳和鳴黃粟留田家已霈知時
雨 聖化潛將淑氣流

朴承旨 聖輅 輓

上奉怡愉下睦嫺公家內行吾兄傳吾兄不至阿其
好是以吾知公實賢

金千里 驥材 輓

已矣金千里斯人而止斯覆巢纔有卵喬木又摧枝
世事還如此天心未可知親朋哭之慟非獨爾家私
白雲師至禪袖詩來訪於廣平縣齋次韻以贈
吏退庭空午睡餘一林黃鳥雨疎疎逢僧更起蓬山
興莫負仙遊九月初

次道貫韻寄東州使君金士迪 漢詰

公齋日晏午眠長出水穉荷呈晚芳作吏何嘗期勝
境逢君又是在他鄉官清尙有三時供峽邃能生六
月涼稍喜入秋民事簡幽禽日日上琴堂

古豐田途中口占示士迪要和

晚出東州路秋花滿眼香天晴孤鶴遠村靜午鷄長
城闕弓王冷歌詩鄭老芳蒼茫今古意流水見斜陽
華上人來訪值余不在留詩而去走和却寄
衙罷空齋坐獨深敲門人報老僧尋問爾山中時早
晚幾分秋色入前林

昌道館次板上韻

浮名薄宦兩忘之徙倚郵亭有所思歲暮孤鴻雲漠
漠天寒羸馬路遲遲秋風又負淵明計落日空臨墨
子歧回首蓬萊一悵望山中爲有衆仙期

戊辰八月同仲氏及婦翁權丈子姪漢緯漢師
漢益從姪柳復心任生震綱作金剛之行金城
途中志感示兒輩

尙憶吾家圓滿日同堂兄弟好文章松潭水暖花盈
袂梅麓秋清月在床每是好山同理屐何曾佳境獨
臨觴秋風策杖蓬萊道斷鴈悲鳴不作行

奉和仲氏

跨馬西風好林花八月初雲蘿穿嶺路烟樹問村閭
木落憐霜後溪深怕雨餘直窮峰萬二然後始歸歟

次師兒

清晨騎馬縣門東路指蓬山萬二中訪道祇應窮玉
洞逢僧先自問丹楓未須峽路愁秋雨且就溪亭濯
晚風詩欲遣懷從漫興莫將吾拙較君工

披襟亭次板上韻

行行山欲暮疎雨古亭前逝水無停日長松不記年
偶隨黃葉至因與白鷗眠落木歸禽定微波悄夕川

慶陽樓懷李敬以

存中

用板上韻

縣城秋日思悠悠山雨欲來山更幽楓岳前期人已
到花江舊路水空流歸雲獨鳥有何意深樹晚蟬生
遠愁不見故人惆悵久滿林紅葉慶陽樓

敬以以金城守有楓

岳之約今已遞歸

奉和仲氏

蓬萊消息近如何見說山中樂事多瑤壇月照神翁
局琪樹秋生道侶歌華人有願皆塵夢漢使難窮但
海波笑我晚來相拍手輕雲綽約隔仙娥

斷髮嶺拈天坡韻各賦

西風吹客馬秋色衆香深小雨催霜意輕霞落午陰
何論吾有髮已與世無心十里肩輿去林風助我吟

地藏菴

洞霧深深晝不飛老僧相見草爲衣汝在窠高峰下

住前宵應識永卽歸

玉鏡臺拈韻

李白詩傳日照烟香爐真面此依然神翁列坐開瑤
局法祖相叅講妙蓮始識此問皆是佛安知我輩本
非仙夜深歸臥長安月徹曉心清不敢眠

長安寺滯雨用蘇齋韻各賦

蕭蕭雨連夜策策葉投溪日斷危崖外心懸亂木西
出林清磬濕穿澗老僧迷暮倚高樓望陰雲萬樹低
萬瀑洞

海東仙子楊蓬萊天下名山青鶴臺鶴老臺空人已

去獨留仙月待吾來

望高臺

獨倚高臺望豁然千古愁迥臨飛鳥背平撫列仙頭
雨有山腰過雲無峰頂休永郎如問我巖上姓名留
碧霞潭

龜潭

玉沫隨風散瑤霞射日空神仙無則已有則此山中
潭底神龜在穹然幾百年舉頭叅老佛功果圓未圓
噴雪潭

自入山中來非仙卽是佛光風霽月潭敬拜尤翁筆

普德窟

僧庵高出白雲間
雲去庵空僧不還
惟有巖間小石佛
兀然高坐對寒山

摩訶衍

客投山寺月開戶
一僧迎面壁心機
靜殮松步履輕
燒檀惺萬念禮佛證三生
一宿雲窓下已無人世情

榆帖寺拈韻

睡起三更上方鍾
滿窓殘月照何峰
眠愁雨滴千山
檜道悟風鳴萬壑
松拜佛已還仙岳
債呼僧更理海
山筇丹書舊迹聞
猶在三日真遊去可逢

呼韻各賦

長榆漠漠萬林青
五十金身昔幻形
不盡祥雲三寶氣
長時怒瀑九龍庭
摩挲石塔驚神化
點檢僧書驗佛靈
三宿餘緣應未了
吟筇欲去復還停

海金剛

一自金鰲死三山落
海風依依巖壑在
歷歷洞天同
怛悵尋棲鶴躡踏
採藥翁老龍真福力
乘月弄晴空
七星峰俯見海水復
用前韻

我欲凌滄海直乘萬里風
笙簫三島是雲霧九州同
俯弄釣鰲子平交騎鶴翁
人天一下視蕭瑟點烟空

三日浦

平湖十里白鷗前三日真遊憶四仙陳跡笑看苔面
字晴峰閑數鏡中天祇應不日聞笙鶴直欲從今斷
火烟爲問雲間驂鹿子桑田今後幾千年

丹書巖

四仙仙去月千年壁上仙書尙宛然黃石赤松皆戲
耳神仙夫豈姓名傳

楸池嶺

去國羈愁撥不禁楸池嶺上一沉吟凝雲每作重峰
雨斜日長爲半海陰落木誰無秋士感窮途偏起暮

年心僕夫慎莫催歸路折軸前車不可尋

暮宿花川有懷地主韓大叔

億增

山木陰陰山日遲花川悵悵故人期淮陽臥治應多
暇莫負仙遊九月時

山店戲題

籬對清溪門碧峰數家山店倚寒春村婆洗鼎晨爲
黍行子治裝夜藝松邀客每稱家最好數錢先說歲
偏凶狂呼亂叫無烟價只是官行不願逢

曉發花川

山路雨初過寒溪空自鳴村鷄遙似夢林火爛如星

殘月猶分白深松不見青驚人忽飛去宿鷺集虛汀

麥崖寓感示兒輩

曠野如天一望平誰知咫尺有深坑兒曹慎莫輕身
命世路難於此路行

還家

迎門老婦牽衣兒笑問吾歸何太遲依然復起人間
念始識神仙不可爲

次金知樞

相勛

壽席韻

雲中落落東園公世外飄飄南極翁海屋靈籌餘鶴
算竹樓春酒又仙風不因紫府曾添籍安得紅顏尙

似童此會每年應此日德星長許耀秋空

己巳十一月以三价赴燕路上口占呈仲氏

都門西出月如鉤十月天風吹遠遊本擬幾微無見
面自當離別有回頭孤鴻歲暮應多意老樹天寒爲
作愁好是明春花發後一樽携手上東樓

口占志感

落落乾坤歲月闌東封初計負泥丸何心誦得周詩
熟有眼開來魯史難臣職敢辭關路遠 王靈不怕
朔風寒夜深歸臥高陽館夢繞終南第幾巒

長湍道中敬次叔父韻

二首

十月天寒使者車關雲杳杳正愁余平生龍杜申申
戒庶擬今行用有餘

別路蒼茫起暮雲終南回首雪紛紛極知遠出非情
理祇是臣身已許君

松京道中次副使韻

堂堂衣馬去朝天似是男兒得意然周樂欲觀無與
語漢儀雖覩孰相憐不愁客路餘千里但恨吾生後
百年身與塞鴻同北去夢隨江月向東圓行臨浪水
愁冰腹回望終南戀雪顛古木經秋寒颯颯客程穿
雪細緜緜荒城暝伴歸禽至孤館清依畫角眠萬里

燕山行便是 王程不敢怨勞賢

平壤望日軒過冬至志感

漠漠凝雲遼塞間天時空復一陽還西臨大地愁沉
陸東望重宸憶閉關莫謂潛藏微一線終能噓茁滿
千山試看三月東歸路雪壑冰巒失舊顏

浮碧樓次板上韻

積雪寒江路斜陽倦客遊乾坤幾名士今古一高樓
野曠天應盡江空月欲流興亡千載意極目見歸舟
聞新生女天化之報

人間父子二旬緣未見其生死又然吾不鍾情猶自

遣不知吾面爾堪憐

安州望京樓次板上韻

暮倚危樓一劔雄
江光野氣遠溟濛
胡山幾點半天外
城角數聲殘雪中
倦馬長鳴依落日
孤鴻獨去怨高風
長安欲望迷歸路
極目烟雲一色同

百祥樓次板上韻

漠漠人烟西塞通
登臨慷慨後前同
百年豪氣書生老
萬里高樓地勢雄
玉帛至今悲國弱
金湯從古倚臣忠
胡山千疊深如墨
明日治裝向此中

大風踰箭門嶺

黃埃捲地朔風驕
客路艱關朝復朝
雲盡塞天無去鴈
雪晴沙磧見寒鷗
月中愁色陰山遠
天末歸魂故國遙
祇是駢駢靡及意
長程鎮日戒行軺

奉覽灣府先生案感吟

含綸杖節後前來
流歲悠悠六十迴
滿眼無非新壁壘
傷心獨問舊亭臺
風霜曠野歸鴻遠
冰雪寒天古木哀
往蹟欲尋仙案上
燈前和淚掩還開

灣館書古體四首

黃沙漫天飛塞上
多大風天寒劔心
死海濶槎路窮
平生重意氣
落落皆成空
不平千古意
悲歌臥雪中

木蘭集 卷一
慘淡胡天月錯落胡山雲魯酒不可醉羌邃不可聞
插劔長歎息飛雪落紛紛行過北平日欲問李將軍
明朝渡江去渡江非我地行路日以遠風氣日以異
荒荒塞日黑點點胡山翠 王事敢言勞萬里行則
至

男兒重負抱少小惜光陰有繫南越志有蹈東海心
真成兩渡落聊復一沉吟村鷄非惡聲喔喔送寒音
統軍亭次息菴韻

遼薊長風腳下來百年豪氣晚登臺祇今南牧無
宸警恩許高樓錦席開

君子堂

睡起三更羌笛哀百年心事劔生苔極知天道無終
否已信微陽動地雷

渡鴨綠江

遠客長吟行路難北風吹馬出關山留灣十日愁荒
絕及渡重江復憶灣

九連城露宿拈韻

心懷靡及不遑安草宿荒原狐兔間萬里清霜鴻出
塞一林殘月虎歸山羈愁暗結南雲去客夢長隨北
斗寒遙憶禁門仙漏罷五更環珮集千官

柵門

雪入燕山大山從遼野深何嘗知習俗但自問方音
落日時危淚孤雲歲暮心天寒投店舍愁絕更長吟

鳳城夜行馬上拈韻

倦馬長鳴夕鳥還客程光景信艱關千重冰雪迷歸
路一色烟雲失遠山已任家人憂病骨敢因王事
作愁顏何當作伴青春去仙漏金門趁曉班

夜坐

渡盡冰灘又雪林一燈行色五更深僕夫且莫愁前
路已判平生叱馭心

鳳凰山

高岡入天半鳳去何時迴已伴秦鴻舉寧隨遼鶴來
韶無虞殿聖歌有楚狂哀覽德飛何向東方泰運開
馬上口占六言

正愁日暮途遠不信山明水清惱殺遙遙客路嗟哉
役役人生

松站拈韻

寒天遠役發長嗟日日行行愁轉加遙問峽村雲擁
樹細尋林路雪迷車爲寬客抱時呼酒難拂人情或
進茶臥想去年今日事梅開月白是吾家

八渡河拈韻口占

十里長程倦馬歸水邊籬落問柴扉林鴉暝帶黃沙
集野鶴時兼白雪飛山向北來皆漠漠水逢東去亦
依依明朝上馬燕山去薊樹寒光照客衣

口占六言

日暮黃沙漠漠天寒白雪紛紛借問人家遠近僕夫
遙指寒雲

夜臥無寐鄉思殊切呼燭書古體十五首

幼吾遭愍凶叔父如父事平生十起憂亦嘗猶子視
今當喜懼日豈欲遠別告上爲王事重下爲家聲

保

右慕叔父

伯氏不在堂仲氏相爲命梁園前夜雪絕憶姜衾冷
及此同衰暮非復別離時隱侯先獲語重爲一淒其

右懷仲氏

有妹在遠方去年移京洛雖無待舉火亦有相春粟
天寒井臼冷歲暮衣裳薄懷哉曷月歸念之中情惡

右憶妹氏

室人將四子送我出中堂妻子不必戀妻子不可忘
萬里去卽歸暫別不足惜春風三月時新釀桃花熟

右憶室人

汝年二十三視汝如嬰兒雖無膝上弄亦不眼中離
今成萬里別念之心如結以吾戀汝意知汝思吾切

右思緯兒

有子誰無愛愛子吾獨殊言語飲食間人或笑區區
別來長相思如不記汝面前宵夢見汝夢見如不見

右思紀兒

平生愛汝深不離懷抱中爲汝聰且慧不與通子同
愛之旣最甚思之亦尤切思之不可見且進杯中物

右思綱兒

古人豈不云丈夫愛少子思之有何益自然思不已

聞汝新入學十字幾字讀依在眼中最是塗窓墨

右思維兒

別日多如髮思想長如渴湯憂應已安舊宅亦云吉
山窓風雪夜正好親書冊下有家人望上有宗祀托

右思鼎姪

吾家科聲絕常爲汝輩惜自汝發初解喜甚如有得
春風花柳時見我松京路青衫映阜蓋朴淵觀瀑布

右思師姪

風雪滿窮巷歲暮江上廬慎勿喜追逐端坐讀古書
追逐無所得讀書多所益父兄戒子弟其言決不惡

右思益姪

人情愛子同愛之多不教不教是父責不學非子孝
來日雖云多去日亦非少使汝爲善士功名真可笑

右復思緯兒

在家先送汝在道不見書近別猶嘆息遠別當何如
天風吹白屋念汝多貧苦雖然莫憂貧憂貧非淑女

右思宋女

自汝歸吾家于今六閱歲羹湯每適口衣裳常便體
婦愛儘是舅云誰不宜汝以汝爲宗婦吾死他無慮

右思婦兒

自吾失伯氏見汝如伯氏今當遠別離惻愴情何已
夫家甚宜汝聞之心常喜勉哉婦德修南容自佳士

右思任女

丁譯好信以律絕各一來示空谷之音殊可喜
也仍次其韻

野濶天愈大雲歸山更奇思長惟有夢愁極欲無詩
落木棲禽定荒林去馬遲方懷靡及意行役敢言私
日落涓人市雲生秦帝城年年此行李安得不吞聲

又次丁君韻

雲端九級坐紅頭弱國金縉歲歲愁萬里山河塵漠

本清集 卷一
漢百年書劍意悠悠觀周禮樂羞吳札諳虜情形憶
漢婁人世滄桑今幾變月中華表問仙遊

爲見遼東與一行分路副使以詩相送次其韻
落日徘徊吊古情遼陽山水客心清龍頭管子空遺
宅鶴背丁仙尚有城勝蹟可能還宿債壯遊真不負
今行茫茫桑海千年感獨倚荒臺看月明

冷井口占示副使

雪壓茅簷冰滿床僕夫吹火掃車霜已驚客路經遼
野更爲誰家問瀋陽今去祇應窮地盡向來猶未識
天長始知懷土人情是化鶴仙遊尚故鄉

瀋陽

城郭人民號盛京昔聞今見瀋陽城分三疲弊憐吾
國滿萬橫行柰爾兵燕市人歸金已散秦天日落劔
空鳴由來天運無終否三戶東方未可輕

瀋陽西門哀三學士二首

聞昔西門路三人共殺身魂應爲趙鬼名足並殷仁
柴市風猶冷燕山草不春蠻夷亦嗟歎東國大明
臣

一自盟城下吾邦未有辭海東三子大河北一人遲
義士誰無感神皇必有知首陽雙節在魂去可相

隨

撻馬

馬多天下昔嘗聞由來冀野是幽分飛騰弄影明如
雪臥立成羣燦似雲日落宛城思漢將雲生涓市感
燕君秋高南牧誰能禦從此東方憂更殷

曉發新廣寧

行旌獵獵曉寒侵萬疊雲沙客路深山似舊知頻入
望詩無新語欲停吟夜長猶惜還家夢日久采增去
國心遼海壯觀君莫道歸魂方繞漢南岑

馬上口號

遼海東頭大野開今行喜得壯遊回天長獨鶴徘徊
去雲盡諸山踊躍來書劔初心還自笑桑蓬宿計未
全灰燕南俠士如相見欲問昭王舊築臺

高橋堡

嘗聞天外是陰山魂夢寧知塞路艱睡起三更羌笛
語忽驚身在古榆關

寧遠城哀袁崇煥

伯仲公才頗牧間時危兵甲鎮邊關鴟軍勢倒風沙
捲虎士威張鼓角閑若使宋人留道濟豈令胡馬立
吳山沉吟欲問當時事落日荒城鳥自還

溫井

玄冬水氣暖氤氳一酌沉痾似去身安得挽來洗天
下片時陰谷發陽春

東關驛逢進賀使回還行下馬地坐暫話卽別
尤是申季明碑逢別草草甚可悵也口占一絕

敘別

我去君來山海城荒郊落日坐班荆他鄉逢別如萍
水明日相思雪滿程

青墩臺觀日出

郁郁葱葱萬道紅扶桑知在海雲東東方有 聖明

如日欲往從之無好風

兩水河途中

三首

長吟烈士篇大醉燕南酒酒人來不來拔劍長嘆久
讀書一千卷七尺男子身關河歲暮客竟是何如人
人言百年無百年已過了黃河清不清白髮書生老
行中人有言年前失銀辨覈事者口占志感
千金奚啻錐刀微不必相爭較是非錦繡江山何等
寶于今久假尙無歸

山海關

漠漠凝陰塞兩間天心不信有回還卽今試問誰爲

帝從古非無此設關是處笙歌新第宅他家錦繡好
江山長城不已烟臺又廟算當年苦未閑

望海亭

遠客愁無極危樓暮倚欄物無東海大天亦北方寬
書劔心猶壯山河眼欲寒悠悠千古恨頭白望長安

深河哀遼東伯

二首

一自深河役吾東永有辭人猶論勝敗公獨爲倫彝
明白他鄉鬼丹青故國祠沉吟問遺蹟西日大江遲
禮義千年國崑然一丈夫元戎方屈膝壯士獨忘軀
尚有河流在猶餘柳樹無持歸激頽俗安得畫爲圖

榆關店夜臥口號

征鴻悲歲暮歸鶴喜天晴幾日將東去明朝又北行
已知非我土何用問村名睡起三更月孤燈百感生

永平府拈韻

捲地風沙白草凋青冥勲業怨嫖姚荒林人去空留
虎廣野胡來自射鵬從古陰山多積雪祇今滄海有
寒潮英雄千古無窮恨不肖孫陵負漢朝

沙河驛夜夢還家枕上口占

寧風虐雪路艱關三步回頭五步嘆恠底鄉山千萬
里夢中來去不知難

豐潤縣哀金叅判

龍慶

倦馬斜陽豐潤縣十年人事一沾巾應無與語北方
鬼何不來看東土人冷落羈愁荒野雪參差歸路故
山春依稀似有音容接客榻孤燈月向晨

玉田途中

落日藍田道悠悠客恨長百年悲世界一統憶皇王
冰雪今行路風沙古戰場遺民尙垂涕東國好儀章

沙流河照鏡見白髮作喜白髮歌以自慰

松湖老子初髮白臨鏡嘻嘻笑不止傍人拍手笑余
笑悲之則可笑何以我聞白髮能死人人情孰不悲

其死陸郎鑷白豈徒然甘泉染黑良以此鑷之染之
固可笑喜而笑之寧有是老子聞之笑又笑笑自有
說當語爾喜生悲死常情同所以白髮吾獨喜鶴髮
如霜南極翁鬚眉皓白商山子人之惡死應欲壽壽
如南極商山亦足矣天上元無黑頭仙世間多天青
春士安得世人皆白髮春臺壽域熙熙已

滹沱河

江冰一夜萬軍通五百河清漢葉中願將一帶洋洋
勢更待真人集大功

包銀多少不同不得已發均分之令是非多端

久不能定戲吟一絕

錐刀得失本無幾何事
嗷嗷較是非老子今行無所
得江山收拾一囊歸

除夕口占示行中

孤館牢囚日抵年
客中時序又新年
諸君莫作南冠泣
猶勝蘇郎十九年

叅太平宴口占志感

朝日玲瓏白玉欄
紅頭天子五雲端
笙簫迭奏非周樂
環珮齊趨異漢官
自喜衣冠同萬國
豈知薪膽在三韓
江山錦繡誰家物
默默低頭祇自嘆

次副使韻

歲在庚午春時維正月
令遠客滯孤館閉門愁仍病
如天故國路不是足無脛
出門聊寫憂又復伺動靜
束帶欲大叫直恐傷其性
祇是玉事重風霜志益
勁百憂紛相攻終當以理勝
東風三月時歸來好復
命

副使見喜白髮歌笑其未達
又作悲白髮篇以解之

頂天立地男子身
少小不欲如斯止
立身揚名小不下
致君澤民大可以
不然高臥好山水
太平世界生

老死自倚紅顏將有爲誰知白髮今如此一髮二髮
千髮白白髮居然老翁是風塵萬事一回顧百年奇
氣徒爲爾人生生世有如何足浪浪作悲喜不必
嗟傷白頭翁不必艷企青雲子白髮白髮柰爾何仰
天一笑而已矣寄語傍人莫相慰我不是歎老嗟卑
齷齪士兒乎且進杯中物世間快闊惟酒已

彼人家家祀關王便成國俗聞之戲吟

三分天下一龍刀萬古長空義烈高非類元來神不
享家家香火笑徒勞

長句二百言送趙益章

重晦

赴燕

燕行贈言無則已有則皆用春秋筆或以常談病陳
腐或以空言笑迂濶以茲堂堂尊攘義便成忌諱人
不說爲此說者真不仁我爲世道發長吁爲問今世
好奇人可能一日茶飴無爲問今世務實人能言關
異非聖道一自燕山有此行吾邦藉手惟於斯縱使
家家戶戶讀且誦尙恐此義人不知况是人人人口不
講安得人人心不忘不講於口又忘心柰何禮義之
東方我願從今世之人貼額無忘此義理心心口口
人又人吾國吾知庶幾已金鞍駿馬瀋陽來趙子昔
嘗有讜言嗚呼趙子好去好歸來非爾不以斯言聞

孝純賢嬪輓詞

仙歸緱嶺彩雲飛春到宜春事已非堯舜宮中今孝
婦任姜天下又賢妃 重宸永隔情何忍 幽宅齊
封願不違留取生年神授筆千秋女史寫芳徽

書李永植稷帖後

並序

洪原卽我季父謫居臯復之地也邑子十餘人有
受學於季父者相與結稷爲不忘計蓋受季父指
也余於季父喪時隨堂兄作見星行到洪原所謂
十餘人者旣見其面而知其名則稷事亦必與聞
矣日月旣久道里云遠茫然如前生事並其人與

事而皆忘之人之易忘如是益知稷事之爲不可
無也今年春余差邊任病未赴以罪謫富寧路過
于洪李永植金泰徵安處行三人來見爲道舊事
津津不已袖示一稷帖卷端有數行語大抵以不
忘季父訓誨之意爲辭一讀不覺愴涕今堂兄兄
弟皆下世我家之可以不忘永植等者惟余在永
植等旣不忘我家則我家之獨忘永植等非人情
也臨行遂書一律於卷尾非敢勗永植等之不忘
蓋欲自勉其不忘云爾

前到又來三十載眼中風物尙依然長林翳日凝雲

逗古峽連天苦雨懸汝輩不能忘舊事我家非復似
當年去留脉脉悲吟久岸柳汀烟悄夕川

松湖集卷之一

松湖集卷之二

詩

同金稚明士彬剛伯

履健

泛舟西湖呼韻

白露蒹葭八月秋寒江薄暮動孤舟輕雲帶雨歸遙
嶼宿鷺隨波占晚洲近市人還新釀美澄潭網集大
魚收湖光十里明如畫天許浮生一日遊

壬申五月余與李子三

台重

尹景平

心衡

相約

將以是月十七日發四郡之行忽有兒憂不得
躡二公之後則不無介介之意於其行送之至
狎鷗亭口占一絕以敘懷

長郊漠漠馬遲遲送子丹丘芳草時獨倚湖亭惆悵
久夕陽無限柳垂垂

和進 東宮咏史詩

緬昔宣和世頽洞八表昏麟鳳相逝藏鳥雀爭啾喧
豈是天心厭良由主德愆忠謨似耳充惠澤如膏屯
織兒自撞壞嘆息欲無言迢迢北狩轅烈士心煩冤
竟是誰天下試看今中原陰風西北來天地迷旌旛
雖有宗李忠諮諷無周爰枕戈泣親王按甲環重藩
國事若無津黃河決崑崙興亡皆自取禍福寧有門
激昂千古事惻愴不可論大勢已去後挽回無育賁

昭昭一部史往事今可援得失當自驗柯轍又何煩
所以 三接暇有感於斯文

和進 東宮賜橘詩

渡淮寧受變正色尚如金君子嘉其守初非爲謾吟

世子宮延祥詩

化國春回晝景徐由來迪哲罔非初爐烟細裊龍涎
起宮扇晴搖雉尾舒 趨進玉樓朝問 寢歸宣銀
燭夜看書微臣敢誦湯盤戒新又新工日日如

金副率

延澤 輓 三首

死者旣云悲生者宜可喜孰如公之生生又悲於死

一自滄桑後公家我淚多公家固可悲世事將若何
京洛情懷惡江湖生理薄父母兄弟在招邀歸極樂

任司諫

震夏輓二首

落落人皆不我同今人之世古人風不同未必為公
病人自為人公自公

相逢一笑露天真舊宅城南時暮春黃鳥聲中花滿
地明年此日又何人

宋甌山

學相輓三首

生是尤翁家死即尤翁山人孰無生死生死如君難
晚為治民吏民曰好官員好官非易得於君不足言

五十其年短六品其官卑親朋哭且言此人非此期

送冬至副价申景瞻

思建

古柱蒼茫鶴不歸行人立馬日西暉祇今城郭人民
感不獨當年丁令威

世子宮延祥詩

暖律潛將斗柄回嵩呼 三殿一時開春來生意行
隨柳夜半新工起傍梅周寢纔詢閣侍退漢筵旋引
講官催新年 睿學知多少願逐初陽日日培

李厚以

敏坤輓四首

磨琢成之蘊櫝藏五更風色自崑岡箇中一片盈盈

者小劫前頭見在光

學識文章言議兼求之於古不於今直將許大男兒
事只踐平生赴蹈心

宋聖何曾比楚狂漁歌淮岸醉斜陽江神火鬼誰仁
虐忠信元非愧子方

人不能烹身自灰誰將此語幸君灾世情俗態還如
此先死非哀後死哀

李進士 普翰 輓

入孝於家父曰賢出門知友又同然世間亦有期頤
壽未必如君四十年

貞聖王后輓辭 二首

沙麓儲祥久河洲播咏芳一心貞素履三紀儼黃裳
蠶月仙遊迴鷄晨 聖念長冥冥應孝思歸侍近

先王

淑德膺先簡良規翼 聖治恩無由已出誠不與年
衰共說膝儲孝仍知漢后慈未須徵女史記實有

宸辭

仁元王后輓辭 四首

光膺寶策贊乾元一德知為百福源南國廿年穆葛
化 東朝三紀冕裘尊躬來視膳周文子膝置含飴

漢令孫彤史古今誰並美女堯天下尚分門

重光一札奠吾東 深坐簾帷默運衷德以謙亨成

地道責因憂大顯天功危疑永護千年固義理常歸

萬世公要識乾坤旋轉力請看黃道日方中

蘭儀穆穆儼重闈萱陞春遲瑞日暉長樂承歡今

聖母濯門垂戒古賢妃七旬尚憾無疆壽十冊應餘

未闡徽最是一楹三榻制蒼梧從葬願非違

慈覆功成運泰來烝黎酌澤仰栽培一心每結崩天

痛萬壽頻停愛日杯器用前排憂國力金多內出惜

民財都門十里雷號徹庚子三年不盡哀

雷號 御
筆改以哭

聲

崔僉樞 益秀 輓

歲戊寅春正月日士友哭葬崔夫子夫子有才無時

命所以一聲悲其死松湖老人夫子與宜有其悲還

不悲夫子志行名一鄉夫子文章動一時門前大路

走長安日夜來去功名是人之所有夫子無人之未

有夫子有高於世人一着看琬琰羊皮誰薄厚兀然

高坐讀古書夫子所樂應在此二蓮三桂能事畢自

來緋玉天之爵目下袞袞兒孫來吾所不食於汝食

朴有道 大源 示謙齋畫帖求詩書二絕而歸之

格力清奇意態工世人知畫不知翁何論知不知翁者翁自平生隱畫中

紅塵烏帽老容顏何事關心尚未閑相對晴窓題古畫意中流水夢中山

有道病起還峽衙追寄一律敘別

玉立金剛拄笏前花江太守臥如仙朝衙乍檢黃蜂稅午寢長依白鳥眠傲吏真成官以隱故人猶復病相憐秋風又失東遊計落日歸鴻意惘然

金玄風 光泰輓二首

吾兄每說士龍奇為是身名畧似之今日士龍哀輓

寫人間不盡哭兄悲

往者聞君鳥嶺篇老年詩思益蒼然世間何限功名子死去曾無好句傳

淮陽館次板上韻

地僻風塵少官閒日月長客來談水石吏退業農桑雨後青蔬嫩霜前白蜜香如何陶處士歸去臥潯陽

新安道中

石路多欹仄羸驂許緩驅悠悠度阡陌默默念江湖峽日寒仍在村烟遠欲無春耕知不晚隔水語田夫

新安館

峽路欹斜倦馬嘯新安古驛隱林臯村娘駭立麻裙
短館吏恭趨索帶高壞壁有時虫自落破簷終日鳥
相號薪芻供給休奔走官欲安民不欲勞

麥坂

麥坂險如此鬼關名信然藤蘿中有路松栝上無天
巨石秦鞭後危厓禹斧前化翁真好事平地弄神權

昌道館懷李厚以

寒食年年春草青居民每說諫官名人臣不幸常如
此自古非無聖主明

金城道中

官程百里少平原絕壑懸厓惱客魂遠岸僧携山影
去晚凉人坐樹陰言鶯歌漸滑春應盡鷺睡方酣水
自喧蘆笛一聲天欲暝牧童歸處數家村

翠屏臺

自有淮陽府誰稱翠釜淵桃源非不勝漁子偶無傳
石古應虛老花明祇自妍古來知遇少為爾一愀然
四月二十七日作金剛行網維二兒及庶族漢

弼隨行

石逕斜陽馬去遲萬林如束亂藤垂澗邊高柳時回
首黃鳥鳴聲第幾枝

玉鏡潭次安邊守南德哉有容韻
自恨仙遊未及時故人筇屐已先移
逢僧坐石何嫌久走馬看山未足奇
黃鳥晚林歸去好玉潭晴日起
來遲君前我後休相較同是蓬萊頂上期

歇惺樓又次德哉韻

萬玉亭亭聳碧空冷然不斷四時風
長留本色千巖雪暫幻真形八月楓
急雨每從重嶺北奇峰多在衆香東
坐來撥棄人間事惟許瞿曇此意同

萬瀑洞

嘗聞天外有壺蓬不信中臺已我筇
永夜虛龕聞佛

話清晨古洞問仙蹤嵐光滴滴愁孤鶴
潭影冥冥睡老龍安得凌風生羽翰
月明吹笛坐高峰

八潭

吟筇晚向八潭移百曲澄流漾碧漪
仙去尙留真面目客來非復舊鬚眉
古今流水遊人逝朝暮奇峰老釋知
最是回頭三五步萬林黃鳥日西時

白雲臺

雨冥冥風飄飄雲間列仙過
舉手相招招笑指玉京催赴宴
鸞驂無數上青霄

佛頂臺

松林菴路肩輿迴仰首驚嗟佛頂臺何必真仙昇白日吾行亦自半天來

四仙亭

六銖袂九霞杯西招王子晉携手暫徘徊三十六峰明月夜半天笙鶴獨歸來

楸池嶺下山人戒澄袖傳緯兒書

山中十日省塵緣兒子書來却蹶然若謂情根妨入道從今吾不學神仙

楸池嶺

楸池嶺上坐極目壯心魂天下敢言小世間無與尊

西來中祖大南走後支繁只有東溟水淵雄可並論
暮宿花川是戊辰秋奉仲氏遊楓嶽時所過村也夜坐志感

山雨霏霏山日沉花川溪路入雲深巖苔半蝕聯筇跡堤柳猶垂並馬陰宿草荒山千里夢破窓孤燭十年心悲吟睡到三更失臥聽寒林起宿禽

次師姪韻

官閣團圓十日餘四山黃葉九秋初愁添古峽新歸鴈夢入春江舊釣魚達士何嘗求富貴貧家亦可讀詩書故園松鶴應相待老歸田計不疎

趙孝承

榮順

投示三日浦詩二首要和次韻却

寄兼奉一律

驂鸞歸去玉京樓何必丹書寄石頭一自世間名姓
落四仙巖畔九疑愁

東遊多少海山樓明月吹簫坐上頭人道前宵仙子
過朝來指點半天愁

未老無官得自由飄然一馬萬林秋毗盧北望乾坤
大瀛渤東臨日月浮豈有快心人世事獨能隨意海
山遊清詩百紙西歸橐萬二晴光滿洛洲

與師益兩姪及禮甫同作京行行到白鷺洲兩

姪及禮甫分路向永平次禮甫韻敘別

西東一戚戚形役各奔忙世外何山好人間此路長
蹉跎恐歲晚珍重及年芳立馬寒江口歸人帶夕陽
馬上又成一絕

西日班荆白鷺洲秋風相送各回頭人生不必長如
此二水終歸一處流

道中次維兒韻

倦馬長鳴山路遲客投孤店夕陽移霜林十里歸來
路兒唱翁酬亦一奇

拜鵲窩舊墟志感

先生不是愛林巖投老歸來此結菴炯炯一心千載
下樹頭初日照澄潭

金水亭次思菴韻

蒼崖陡出駕層楹架鑿曾經鬼斧營入峽每愁千嶂
合登樓始得一江平青烟乍起山村小白鳥羣飛野
水明遠客不堪形役苦松風來借半時清

永平

落木西風倦馬還洞陰官閣亂松間行人忽起林泉
興太守已非塵俗顏吏退有時眠白晝客來終日賦
青山古來人道仙官好仙福無他只是閒

曉發豐田

曉發豐田驛秋天不肯明林深山路黑立馬聽溪聲

紅菊

句漏仙官懶坐衙朝朝金鼎煉丹砂祇應拔宅飛昇
後着地餘痕結作花

菊花為風雨所摧傷口占志感

三繞東籬起永傷殘花辛苦耐風霜誰憐天地成冬
日葉脫枝摧尚抱香

鐵嶺

西風古嶺一沉吟天設山河控帶襟滄海極天東界

大黑雲垂地北方深敢言 聖代無長慮自笑書生
有壯心指點荒城問遺跡廟堂良算古如今

安邊道中

羸馬天寒鐵嶺回鶴城山勢眼中開雲收白雨孤峰
出水拍青天大海來西日飢鴉寒自曬北風候鴈遠
相哀人間形役何時已又是秋光客路催

又用前韻

百里長程三日回秋風騎馬病懷開寒江水凍魚龍
蟄故國天長鴻鴈來不是飛騰猶有志每當搖落自
生哀誰憐五斗前逋重坐受公門百事催

安邊府拜王父碑閣

鶴城之府其來久自古非無賢太守青山無語水東
流惠化茫茫無處所我家遺愛尙能識不爲無助碑
三尺歲久年深塵撲面風磨雨洗苔侵迹我來淮陽
幸比境鳩材募工謀其閣邑人趨事不日成可知餘
化今如昔我今瞻拜坐碑前秋光滿眼皆遺躅欲去
還來久彷徨分付邑人無毀傷爾祖爾父立此碑爾
忘父祖碑可忘

飄飄然亭敬次王父板上韻

二首

高亭蕭灑絕人烟王父前遊七十年勝事祇應傳北

路孤生今又渡南川歸人百感臨寒水去鴈三聲入
遠天白髮蒼顏扶醉日居民猶說使君仙
城郭蒼茫帶夕烟古亭人去幾回年秋山不老生微
雨喬木無言閱逝川湖外故阡空宿草世間流序又
寒天滄桑往事無由問笙鶴迢迢羽化仙

冬雷

燁燁旬旬何所如純陰時氣孟冬初即今人事能無
失從古天灾未或虛當夜 聖王憂不寐滿朝賢宰
計安居銀臺曉漏承宣至明燭膳傳故紙書

山村 二首

甕大圓瓠黃兀兀簷齊高粟白峩峩雪中飽臥誰禁
得金帳羔兒不願他

白犬閒行黃犬吠小牛奔躍老牛眠村翁八十頭如
雪家後陽坡課糞田

病齒之動搖者又脫而落食飲甚妨語音頓變
不勝傷感口號書長篇

年來老形無不具皮皺肉黃頭仍秃直是蕭然一老
翁妻驚子嗟今非昔幸有兩齒能無病對食往往決
乾肉形隨氣脫奈爾何熱剝風損兼虫蝕一齒二齒
三齒落噫盡之矣三十六犀瓠何關減風儀狗竇不

妨來戲謔只是三月忘味歎不待在齊聞韶樂少年
健啗如狼虎翁乎雖羨何由得珍羞盛饌我何有却
坐投箸長歎息是以凡人有恒言死不可惜老可惜
我有明鏡可代眼我有拄杖能扶腳開樽之酒拭髮
石苟乎云爾皆人力獨於齒落技則窮已矣齧肥吾
相薄我聞蓬萊學仙人粲然一笑齒如玉箇中真訣
秘不傳一粒不與塵人食悵望仙風不可見落日佇
立空凝矚神丹倘許故人分明日拂衣追真躅

七歌

有客有客字繼之少不自量頗自期文章道德高不

得富貴功名薄不爲紫綬銅章映白髮淮陽太守官
無卑嗚呼一歌兮歌且笑歌乎笑乎心悄悄

有兄有兄相爲命伯仲季兮三人僅伯兮文章自超
絕仲兮氣宇亦殊曩茫茫宇宙一身孤獨立搖搖如
不定嗚呼二歌兮歌漸苦歸鴻向我鳴如訴

有妹有妹在湖城前月書來傷我情夫死從子子不
慧三百里外依其兄其兄宦遊歸不得天寒歲儉誰
爲生嗚呼三歌兮歌亦悲人無奈何天所爲

有妻有妻貧亦樂頗知禮貌無徧謫雖無徧謫獨不
愧十年計拙無衣食行矣携手出門去吾自耕田汝

自織嗚呼四歌兮浩浩好山好水吾將老

有子有子有四子子之不教父之耻莫知其惡古有言眼前立立心常喜世間能事皆爾事何憚不爲爲則是嗚呼五歌兮歌始放我所得於爾望

獨上高樓望京國白雪紛紛滿山谷王粲寧爲去國愁賈誼不作憂時哭濩落真成可笑事衰遲終作何如客嗚呼六歌兮歌欲變天風颯颯吹吾面

松湖老翁不知何許人平生不解憂眉頰爾無才德可匡時爾無智力能謀身直是人間百無能生長老死太平春嗚呼七歌兮歌已終不知何許松湖翁

落齒

病齒年來多毀傷當門二板又今亡長歌每怕旁聲漏細嚼常愁舊味忘已判殘年惟恃粥自憐初志欲持梁惜生因得謀生術先弊由來戒在剛

長楊有檢獄之行和川途中口占

峽氣沉陰半晦明暮天飛雪莽縱橫楓林葉脫寒無語石澗冰穿細有聲野色蒼茫孤鶴去村情搖落點烟生愁來欲以詩排遣詩不遣愁還不平

立春 二首

老妻伸紙索吾詩今日祝春宜以詩已判餘年一二

十吾無所祝又何詩

始以無求不作詩春神或恐怒無詩不求有福求無
害求不如人可有詩

鳳逸菴携李大中命權及三兒作軟泡會二首

登登山路盡蘭若出林端客抱何時好民憂是日寬
入雲松影直穿澗磬聲寒擾擾風塵子應將黛色看
諸天何處是我坐已雲端臥閣身如蟄登樓眼忽寬
佛心流水靜僧業古松寒指點經行地明朝拄笏看

除夕次高蜀州韻示兒輩

朝來行走夜來眠來日應知去日然去去來來日又

日從今以往幾回年

次金性汝善材韻

白首交州尉逢人但說山公堂知日永僧牒報春還
仙分應非薄民憂好是閒遙憐西澗友乾沒惱塵顏

李君采白搆小齋扁以庸謹有詩六篇道為學

次序次韻以贈

心為萬化主人力到天成豈有微塵浣常如古井清
操存功乃得助長病還生君子斯為懼閑邪必以誠

其二

聖則生知是吾儕在力行工夫寧間斷趨舍要分明

若到惺惺地如臨坦坦程何嘗求不得但恐學無誠

其三

暗裏人心肆空中鬼眼明道非殊顯隱學貴並知行
所以分邪正要須識重輕歸來對方冊先覺有朱程

其四

有美蓮亭子能知自我明鄉閭爲善士經傳得先生
天賦初何異人功卒乃成勗哉休自阻萬里可徐行

其五

名堂示自警臨水小椽成聖訓尋常顧良心次第明
苟無真力量應負好平生不必求高遠皆從這裏行

其六

可笑松湖子冥塗擿埴行年齡雖老大心志尙浮輕
未得沉潛力徒懷慷慨情不須愁日暮秉燭向前程

次韻贈朴生賢揆

湖上從遊歲紀三燈前白髮兩鬢鬢東風吹送池塘
夢春草青青錦水南

滄浪亭次板上韻

滄浪亭下扣柴扉處士幽居俗物稀四壁濃陰花近
座一林空翠露生衣聲傳遠壑蒼松老影落清波白
鷺歸五斗宿逋今欲了可能分我釣魚磯

仙遊亭次板上韻

人道神仙豈有哉如何天作此亭臺長風萬里催歸
去明月三更暫下來羽化無非烟火外樓居何必海
瀛隈松湖老子真緣在徙倚危欄半日迴

寄潭陽宰李子由箕重求箒笠

五斗淵明宿債酬春江欲問釣魚舟長竿短棹皆料
理祇是斜風細雨愁

淮陽漫詠三首

天晴日暖樹陰移花落空庭吏退時莫恠使君眠不
起淮陽自古臥為治

十月天風吹破衣荒田刈粟粟苗稀瓶甕盡倒官倉
入歲暮空山拾橡歸

新秋崖蜜白如霜未坼封房已聞香久服輕身能羽
化蓬萊知是古仙鄉

水端嶺

水端尋鳥道木末聽人聲如此危途在胡為遠客行
嗟嗟非宿志默默感浮生自笑歸田計今年又不成

山陽館次板上韻

差喜林亭爽如忘嶺路艱蕭蕭風振壑稍稍雨歸山
往跡孤鴻外秋聲老樹間悠然成小睡分外欲偷閒

昭陽亭次梅月堂板上韻

心閒常自足官薄便如休天地亭猶在古今江自流
白鷗沙岸淨黃葉峽林幽焉得東峰子同爲物外遊

狼川道中 三首

宿鷺淨娟娟叫鳴秋水渚蘆花十里天飛去不知處
肅肅天容淨淒淒霜氣清西風吹落木秋色滿孤城
霜落秋山紅雨過秋水白秋光滿眼來百感東遊客

族叔羨湖相公與其從弟綾州公

直基

及子

銖姪彥鍊

作楓嶽行將以九月七日入山余與

維兒往赴山中長楊途中次維兒韻

官齋十日病侵尋秋思撩人撥不禁可耐仙期孤雪
岳且隨僧牒入楓林清霜滿地歸鴻急雜樹連天去
馬深再入名山餘債又衰翁真箇大癡心

次族叔相公韻

山裏傳呼大相來共嗟年貌不衰顏始知平地神仙
有永述飛昇還可哈

黑龍潭

楓崖朝日照紅光影倒深潭百尺長潭底老龍眠不
得半空雷雨起尋常

次李原明

宜哲

吾儕老白首世味飽辛艱罪大不踰嶺官寒猶臥山
相逢秋色裏一笑菊花間到底君恩重寧爲戚戚
顏

其二

秋懷元自惡嚴譴豈無惶衰髮千莖短長程五日忙
言談頗有氣詩句亦生香喜爾風霜後猶然舊倔強

寄原明求和

落落明時諫大夫暮年風采照京都初心應在萬言
疏今罪可憐三字符清世隱憂明主遠秋風嚴譴
老臣孤淮陽太守官如謫相對無言兩白鬚

又疊前韻謝原明

官居敢言薄世路已知艱百感逢新物三時憶舊山
眼寒雲樹外魂斷簿書間一自君來後愁時得破顏

其二

久客吟衰疾孤臣說悚惶論心三夜短感物九秋忙
白髮垂垂長黃花稍稍香愁來詩欲遣詩不敵愁強

復用前韻

無德無才官大夫暮年簪紱臥仙都君恩每愧微誠
薄時事常憂淺慮符明日拂衣如可辦春江垂釣未
應孤晨鷄九陌多秋雨莫遣緇塵染素鬚

近苦肺渴烹五味子和清蜜桂薑為茶味頗香
烈分原明一壺原明甚愛之錫名曰淡紅露因
寄詩來走和却寄

燒鑪愛聽疎疎雨倒榼疑生拍拍春莫笑山翁康濟
拙箇中多少亦經綸

原明疊前韻更求紅露次韻答之

醍醐灌頂喚心神五內敷腴欲發春從此淵明眉不
攢北窓移榻岸巾綸

和酬原明謫中記事之作 二首

蘭芝漸化為蕭菅章甫何由同越蠻憐君讀破千卷

書十年奔走埃塵間曾中鬱鬱匡時畧眼前豈有蝮
志孱尺疏天門抗忠直片舸曾涉重溟還白簡風采
映暮年胡為匹馬又東關人臣到處皆君恩謫居猶
得好江山毗盧秋日發孤嘯古人遺躅如可攀長安
消息杳何許浮雲出沒終南鬢男兒生世有不朽何
用戚戚為愁顏古來明主恩無薄不日召君青瑣

班

官閣蕭條倚蓬菅氓俗蠢愚如獠蠻太守臥治成坐
嘯三年盤礴於其間文移牒訴漫不知閉門兀兀筋
骸孱薇垣學士吾老友得罪明時匹馬還故情垂老

澹相看官乎謫乎都不關十月天霜木葉飛歲寒心事惟南山長安大道九天上珂馬堂堂不可攀正如村娘老白頭無心學作如雲鬢愁來口誦淵明賦故山歸夢迷孱顏名區吏隱猶不堪可耐冠冕青春班
原明用東坡武昌西山詩韻賦長篇二首見寄
有小冗留逋數日朝來吏退獨坐無繆漫筆走

和

飲不必君山千日醅居不必桃源千樹栽歲暮空齋悄獨臥舊交零落惟寒梅出門徘徊仰天宇四邊冰雪爭崔嵬誰家凍臥袁安室何人醉上枚臯臺老子

當年亦有意十年跨馬衝塵埃不能隨人學擊曲百憂紛集如山堆歸來寂寂掩荆門重圍欲決無樽壘由是蹉跎老白首短褐飄泊天東隈山中舊伴報書來雨後漁磯長碧苔風塵萬事入孤笑忽忽三冬門不開十月天風吼屋角雪中時聞山木摧寒齋夜燈讀周易一聲何處千門雷人生六十亦奈何鬢毛颯颯秋風來愁來欲奏陽春曲老鴈爲我鳴聲哀我無綠江葡萄醅我無朱門桃李栽病木支離臥空谷春色無心爭柳梅憶昔吾年二三十心中自許頗崑崑上之文章煥皇猷下之言議驚省臺不然端坐

讀聖經淨洗心境無纖埃年來素計皆落落白首奔
走紅塵堆固知圓柄難合鑿可道傾瓶不耻壘峽邑
爲官出下策衙門愁絕荒山隈歲暮牢關縮如龜經
旬不踏門前苔山田霜早粟米貴滿目民憂眉不開
獨愛孤松秀冬嶺歲寒不受霜雪摧向來抱負欲如
何而今勞拙官封雷長歌浩浩望天地萬事不如歸
去來歸去來欲歸不歸誰牽挽日暮途遠良可哀

和原明韻送北伯趙和叔

明鼎

牙旗高擁出藩方邊月光搖鵲印黃歲暮關山歸夢
遠時清江漢雅歌長固知風俗非南土須信朝廷重

北荒自笑迂儒老白首百年書劔兩茫茫

次漢湖相公寄示韻

楓樹林間花樹會人誰如我入金剛十年已謝樞衡
重三日還無簿牒忙自喜從遊愜心賞敢辭吟諷托
篇章巖頭大字須深刻勝事山中不可忘

原明復用東坡建茶詩韻咏紅茶次韻答之

老夫久抱文園病清晨小爐烹新茗借問烹茗有何
好箇中真趣人不省風罐朝日雀噪簷細響騷騷已
可聽蜜甘非如小人交桂棹爲有君子性金鐺亂點
瀉紅玉味絕香奇兼色正三更病渴杜陵翁從此不

杜清集 卷二
愁冬夜永溫如公瑾飲人和烈比子產治民猛願以
清涼變夏畦權利寧憂同稅礦文菴老逋來舉杯喜
色忽破愁顏冷爲言此物三絕具不比橘酸與鮪鯉
用以滌穢因養神不負吾行謫淮嶺葡萄鬱金非不
美自有朝令如畫餅枯腸幾夜響漉漉老眼今朝光
炯炯羔兒金帳不須說雪水宵來應滿井瓊漿分飲
又何求上天茅龍非可倖可笑黃岡椰子酒閣領裁
衣愁蓋瘦

次原明韻送鍾城守趙孝承

憐君歲暮客還方簾外飛沙滿日黃 恩補不須愁

地遠壯遊應已識天長邊城日月非中國夷界山川
是大荒自笑書窓老措大桑蓬初計墮茫茫

金性汝內輓

性汝哭賢妻書來多苦辭自言於人世百窮皆有之
哀哀永感痛子子終鮮悲出門常獨立又無朋友知
歸來向屋中笑語聞怡怡平生一知己到老托心期
云胡命不淑棄我忽如遺人皆有夫婦夫婦如吾誰
耽羅絕海中苦竹天四垂與子携病母萬死同扶持
女子情可忍丈夫心亦隳非人所能堪獨子無不宜
及歸尋故里生事日凌遲携手出國門歲暮北風吹

天霜田不收四壁寒江湄旨蓄常禦冬不令病夫饑
每誦偕隱歌歸歟同惠而吾計一何遲子病先不醫
藥治豈如意殞歛不以時宛陵不是貧尚有嫁衣資
湖阡草屢宿已有先歸兒母子同所歸上下墳纍纍
團會豈無日吾衰行且隨極知悲無益情到輒淚滋
哀哉徐淑人婦德乃如斯書爲女士篇永垂閨壺儀
族弟殷卿彥擊聞家兒漢維入侍蒙異恩誦
其感君恩三疊要和蓋殷卿雖武人號能詩而
曾任壺山時亦被異數故也次其韻寄示漢
維以寓感惶之意

書來京洛不勝感兒子 重宸拜 聖君汝未立身

吾已老此生何以答 天恩

一自深哀抱永感微臣移孝事吾 君汝心他日應

如我未老宜思報 主恩

恩言之下孰無感在敵猶然况在 君子又生孫孫

又子生生世世此深恩

有人詩賀兒子 異數次韻却寄二首

秋懷兀兀思云誰木落鴻歸北望時兒子書傳天上

語千行感淚 聖君知

兒年猶未免童狂不信如今已上庠自得 筵褒恩

罔極愧無庭訓學通方敢將厚望期癡子祇恐殊知
負 聖王明日九重仙唱下汝心應似我懷長

披香亭次板上清陰韻 二首

荷心雨過露珠溥風送清香入畫欄桃李乾坤誰汝
愛濂溪秋月古今寒

湖上危亭勢若飛坐來香霧欲生衣千葩倒水搖紅
錦剛喜奇觀趁夕暉

德坪雨中記所見

姑櫛兒頭翁坐床滿籬瓠葉雨聲長門前車馬休呵
叱判不吾閑換爾忙

壬午十一月以騎堂入 侍帳殿 特旨拜羅

州牧使州方憐凶民將盡劉承 命疾馳赴任

營賑甲申三月還 朝途間用老杜北征韻述

懷

時維壬午秋南民運不吉沿湖一千里九空於十室
錦城灾最酷民命迫無日雖有光明燭無由照圭革
廈氈憂未已廟堂計安出 王曰民戚休係在官得
失汝往活羅民不活歸拜勿 恩命益諄諄愚衷倍
切切拜辭出宮門南望心恍惚任大而責重心知殘
命畢才非根別器性又柱膠瑟人謂刃可解我恐指

則血何敢計利鈍惟當限湛滅夜行衝霧露晨邁涉
巖窟峩峩雪山橫浩浩冰江滴天風吹客子拂拂征
袍裂只爲 王事重遑遑不停轍羅民泣且言父母
來可悅採野無麻菽拾山無橡栗雪風寒透骨凍面
雜蒼漆安得鄭監門畫圖陳情實回思受 命日未
敢言才拙窮閭與絕村匹馬身出沒凡係民利病不
敢遺毫末夜燈親簿書吏奸防漏穴苟活萬飢口何
惜一病骨祇是倉腹朽無以延歲卒四顧心茫然赤
立公私物 詔發北東穀舟楫多如髮陽春布 惠
澤愁雲爲解結父老祝 聖恩感極相嗚咽歡聲殷

春雷喜氣排凍雪門開鼓三通太守已巾襪點簿民
齊肩唱籌吏跪膝計口人一升老弱其半折粒粒包
君恩女裙男以褐歸來向妻子凍灶回春日畝是流
離子飢餓兼寒慄廣庭分設糜鶉衣鴈行列病羸先
調護遺漏細爬櫛尙慮 恩未普添錄無還抹環州
幾萬戶戶戶 恩波闊民命雖延活民力已急竭却
恐秋成後復有官長喝 恩响無感祝冤訴有喧聒
誅求豈得已惻愴不可說雖然是爾職莫謂恩未卒
下而民望塞上而 宸憂豁歸歟病太守吾事已了
訖不願梁肉美不願廈屋突浩浩出東門蕭然我馬

匹民情君莫道歸意吾已決高帽在短簷不去必狂
疾吾廬吾自臥吾樂誰能奪區區身外物棄之如毛
拔州人莫相送我行在明發請看臥地石半是頌德
碣三年朱墨堆幾乎愁余殺假令有去思能至幾日
月尙有三宿戀可去不可絕臨歸有一言願與州人
別自古聖王世民不怨離析所以鉅橋發首在誅褒
妲爾生三代後幸逢吾王哲父而子而孫世世勉
忠烈苟不吾言信天威不汝活我是朝廷臣歸
去入禁闈人情與物態細細陳天闕從今年屢
豐不憂生理缺勿謂天高遠下情自上達

長城道中

三年南邑病支離政未能成計轉非錯節盤根才不
逮短簷高帽事多違徭煩可柰流逋衆祿厚惟慚報
答微見說故山春欲老錦城雖樂不如歸

長城逢柳生輝星誦傳金稚明蒙宥北歸詩

漫次其韻

六年生度蘆山北詔下知君泣滿裳自是臣衷天
日照不關時象雨風狂殊恩可但推先烈聖意
應憐死異鄉聞說一門三第出理無終盡剝餘陽

秦仁道中

二首

南來北去此何人過了秋冬又復春莫遣前呵驚鷺
睡羨他猶是自由身
城西卜宅聞新移兒子承家布置宜何事主翁歸不
得有詩長是欲歸思

送安士正

杓 赴燕 二首

百感悠悠梁甫吟城西小築閉門深秋風送客中原
去誰識男兒一片心

燕京自古帝王州八月仙槎河漢流皇極殿前蹈舞
日雲端天子 大明不

送趙正甫

靖世 宰丹陽

擾擾生涯六十春至今餘債在尋真明年楓葉蘆花
日門外停舟是故人

斑竹杖歌贈朴有道

湘江十月天雨霜兩岸竹樹森如束大榦蜿蜿走老
虬小榦瑟瑟鳴寒玉松湖老翁見之喜蒼苔古節連
根斲金花紫藤爛成文好事山童加繪飾學士青藜
豈足云仙人綠玉差可敵城南老友頗好奇一見摩
挲手不釋老夫年來病不出不妨贈君成癡癖恠底
從前勃窣翁天風颯颯生兩腳歸來向家誇健步家
人大笑今非昔杖兮杖兮好山好水時去來莫學濶

步青雲客好山好水佳可賞青雲世路多傾覆

又次有道見贈韻

自笑求閒未得閒此來天許一身安烟霞舊癖今猶
在 cities 幽居古亦難穿石逶迤通小徑開林隱約納
重巒南厓老友時相過垂白無言坐菊欄

梅花八絕

盈盈獨立歲寒天戲蝶狂蜂不受憐疑是漢濱逢靜
女弄珠歸路望嫣然
含嚬含笑悄無言報道南枝已返魂忽漫紗窓疎影
到佳期只在月黃昏

長安十月氣蕭森虐雪嚴霜萬樹心空谷幽居人皎
皎臥看天地入窮陰

晚節寒香各自姘梅兄菊弟較誰多傲霜獨立雖差
強風雨重陽柰爾何

入歲冰心兩自知山翁臨老托幽期春來恐有尋芳
子莫放餘香續續吹

病鶴孤眠倚斷查月明清影兩橫斜山中妻子閒生
活宛是西湖處士家

前宵深雪壓輕枝脉脉遲遲惱遠思祇恐魂飛關外
戍月中羌遂盡情吹

松浦集 卷二
桃李未花君獨花
桃紅李白柰君何
人間又有調羹事
結子青青欲滿柯

梅閣並養山茶先後開花

紅花又傍白花開
次第山家消息來
只恐箇中心事別
一春香艷兩相猜

梅閣稍廣又藏薜萄夏花而冬實寓感追書

六出花開六月時
如何陰藥發陽枝
無中有有元天象
一理相生知者知

十一月十八日家姪漢鼎有故不得來會有詩
相示漫次志感

晬辰非可樂何必獻詩章
宇宙孤生在兒孫百感長
吾家元奕世汝輩幸充堂
不學墮先業歸求萬卷黃

乙酉立春

殘年清福臥西臯
百拜東皇餉老饕
好客豈如無客好
高官未若不官高
朝窓舊課詩書易
晚圃新工杏李桃
門外風波三百丈
可能搖我午眠牢

上元

臘盡春回尙擁痾
良宵十五又虛過
兒孫雜戲燈前笑
家國繁憂枕上歌
往日悲歡皆可已
今年風雨欲如何
南豪北富昇平樂
第幾橋頭月色多

紀兒作漢上負笈之行漫書以戒之

棄爾初心圖爾新歸來刮目對鄉隣如令父教徒過
耳安用師言更切身學業自當隨力量容儀先可着
精神今年明歲悠悠度三十居然失步人

次禮甫韻送其 寧齋就直之行

滾滾悠悠歲月闌大賢之後好孫難詩書庭下家聲
遠松桂林中宦業寒未信今爲優學仕不妨先作讀
書官人間歧路多傾覆須記危舟泝大灘

差祭先農壇歸路口號

二月風如箭春耕又失農始芽憐細草獨秀許孤松

凍屋鷄應懶冰溪馬不恭天時有如此民國意重重

竹軒金公

民澤

改葬輓

二首

荒原宿草蘆山陰皎皎貞臣不死心聞道舊和重出
世人間餘淚又辛壬

通家舊好自心知日下滄桑萬事悲和淚題詩遙相
緋依然香谷拜床時

次朴進士柱承甲申志感韻

天經地紀大倫常不敢明言只暗傷中國衣冠何甲
子東風草木又 天王君詩尚有春秋義吾土誰非
日月光一理循環無不復 九重方講下泉章

金進士 沈輓

名門世德日蕭然
春雨安陽上舍阡
天以優閑供晚景
人將英妙說當年
朝無死友身將隱
家有賢兒業可傳
浮世百年存沒感
城西舊宅落花前

柳左尹 譽輓

君歌我嘯兩忘言
三十年來一味敦
芳草落花春滿地
不堪重過巷西村

金知樞 相紳輓

省院周旋躡後塵
豈無朋輩獨心親
通衢快步多新貴
衰世完名有老臣
天爵何曾為達宦
地仙終是在

閑人意中家國悠悠事
留與賢兒早出身

沈溫陽 士希輓

龍門山下送丹旌
十月天霜鴻鴈鳴
風雨淒淒寒士屋
江湖滾滾大家聲
升沉早已隨吾分
用舍終須見世情
最是溫溫如玉操
莫為先後上延英

盆菊

十月風高霜落時
朝暄相對兩三枝
東籬處士悠然意
花不能言我自知

次洪雲長 象漢壽席韻

化旭舒長壽域臨
祝親多是感君吟
高門盛事同前

後 聖代殊恩曠古今豈比庭醑三日飽已分宮爵
萬年斟雙緋弄雀尤稀世餘慶方知舊積深

同庚人次香山甲寅除夕韻見贈而首二句則
用香山語感其年歲之相合也遂次韻以呈而
首二句因用不改以示同感之意

三百六旬今夜盡六十四年明日催古人今人長去
去舊歲新歲苦來來添衰已任垂千丈惜別何須餞
一杯可想明年又如此莫辭行樂及春開

摠府直廬次趙和叔韻

直並深嚴地官聯宿衛名風霜政搖落星漢亦澄明

歸鴈何無信候虫也有情夜深軒得月移席近前楹

鄭知事 續述輓

大華山前秋草原西風送葬舊將軍長城北塞山多
藿緩帶南洋海不雲豈有良田遺後裔獨留雄劍答
吾 君門前揖客頭如雪哭送丹旌淚滿裙

次閔生 孝昌韻二首

白面書生喬木臣可憐如玉亦長貧無才士或空埋
骨有志人誰未拔身螢卷十年開墨帳蝸廬一日降
丹綸天時往復終如此况有其先不食人

高臥西岡老退臣朝晡粥飯不憂貧何須戚戚催雙

松浦集 卷二
鬢聊復悠悠了一身門雪不妨埋屐齒閣梅猶足岸
巾綸莫言林下無歸客城市閑居亦有人

自歎

漆夜人亂走大抵多恠奇朝來坐軒駟呵喝天神疑
路傍信心人裏面安得知但道祿命好又說地望宜
皇天有老眼終是不可欺

趙晦夫

重朝

以梅花詩二首見贈走和却寄

長安三尺雪比屋白鱗鱗大地皆成凍誰家獨有春
閉門愁欲死開閣笑方新賴爾貧交在雙眉不解顰
舊慕如蘭友今逢似玉兄白頭論妙契青眼對虛扁

悄悄燈懸壁盈盈月滿庭翛然空谷喜疎影在西櫺

書梅閣

二首

七日雖云復千門尚不開朝來花數點方信一陽回
結爲君子友同守歲寒期默默坐相對燈殘月曉時

立春日戲書

自喜山翁病轉蘇今年健似去年無試看雪垢冰消
後日上花園不用扶

二閑亭卽事

山家無日不從容午枕遲遲睡味濃臥看庭松人影
掛樵歌相答下西峰

知足堂八趣

疎枝老榦影橫縱
新月初昇掛古松
忽有微風來攪
樹居然平地跨
癯龍

右疎松步月

山水清音韻士知
笙簫行樂達人宜
誰如老子風軒
上臥聽涼筭送四時

右古栢聽籟

厚種深埋物性然
芥孫薑母各隨田
秋來一飽便便
腹不羨何家日萬錢

右掃雪種菜

花時得雨動經旬
待雨移花亦苦辛
借問移花何所
用花開欲老太平春

右帶雨移花

霜摧露折委泥沙
君子花於衰世何
養得枯根如許

大主翁堪笑苦心多

右盆池養荷

春天桃李競繁華
十里東風富貴家
何事盈盈開雪
裏與人相伴作生涯

右紙閣觀梅

經史諸家讀讀通
大兒聰俊小兒同
衰翁晚樂於斯
在臥聽夷然日已中

右朝窓課讀

帝霸皇王一局棋
征誅揖讓竟何為
晴窓睡罷看兒
戲蝸角營營勝敗時

右午枕看碁

林進士屋謫來象山
次三淵韻四十餘篇
見寄
和其首篇示之

今世攻詩子鮮能
兼質文蟬噪喧亂樹
鬼語雜秋墳

只是心嘔血何曾手抉雲晚讀淵翁卷一空凡鳥羣

次韓生士漸

命鴻

咏懷詩

少日志經綸讀書窮夜晨如能保志尙判不怨沉淪
兀兀臥窮廬嘍嘍學古人比如薑桂枝百折猶含辛
梅花暗送香起來嗅清真試問他澹泊何似吾心身
微風送晚遂富貴滿四隣

其二

清流濯我纓高岡振我衣詩書我所樂聖賢我所依
以是心愉樂未嘗憂寒飢深淵魚自樂茂林鳥亦歸
物性還如此人生良足悲浩然發長嘯逸興天外飛

秋風江海上達生知所歸

其三

我家西臯下家後有圓岑雖無泉石勝亦有松菊林
有時成孤往舒嘯撥煩襟浮雲西北來庭際散輕陰
莫謂烟火近自無車馬音階除睡相依孤鶴會人心

其四

南山有冰雪東海無舟梁川陸浩漫漫日月高茫茫
焉得晨風翼天際相翱翔涓涓隔秋水美人不可望
人生諒無幾髮髮半成霜招招君不來耿耿心自傷
求之豈無道但恐違天常歸來對方冊三復考槃章

其五

讀書多不平未足散幽襟棄之登園亭舒嘯滿四林
不言又不笑無人知我心知之亦無益何用苦推尋

其六

人生貴達命貧富豈易心逢時則鍾鼎失意則山林
苟爲不揣本寸木高樓岑嗟嗟世間人銖分較升沉
布衾煖舒足吾樂誰能禁

其七

少日學文章妙譽滿京城文或漢魏氣詩亦晉唐聲
年來兩濩落白髮臥郊垆豈有笙鏞語但作蚯蚓鳴

然猶抱奇氣時或發豪情長吟臥蓬戶晴日素霓生

其八

立春今朝是晨興迎好賓開門掃殘雪下榻去宿塵
款款山鳥友灼灼梅花神相看坐默默何者是主人

其九

多言則氣損疾走則步顛年來玩此理安坐養其天
貧亦不足憂富亦不足憐心安身亦足習性還自然
幽居事事宜朝日擁高眠神仙只如此何必求長年

其十

境靜居仍僻身閑事亦幽明暗送夜晝開落知春秋

南山帶晚翠夕望何悠悠自信生涯足安問時序流
方知死則休况乃生是浮何必長勞碌聊以暫淹留
時來北窓下夢與羲皇遊醒來笑欵枕坳堂熈芥舟

其十一

平生性傲兀不能善容色論交少心許涉世多目側
以之立於朝性又常棘棘只堪長抹掇何用相扶翼
惟其坦蕩蕩心境淨如拭十年讀古書儘知真得力

其十二

生性不諧世孤憤鬱未舒十年遊江湖泛泛隨鳧鷖
時於蓬屋下屈首讀唐虞年來四方志太半皆成虛

由來丈夫心不以豐約殊與其強不能曷若從所娛
偶讀歸來辭多與素心符云何不能決去留尚躊躇

其十三

年來悟昨非結廬在山阿功名日以闌鬢髮日以華
治世有逸民可喜非可嗟憂患已飽更志願諒無加
人棄我亦棄世於君平何

其十四

朝而立丹陛夕而投荒裔功名餘日短事業流水逝
古之達命人超脫天人際升沉固有命去就誰能制
江湖秋水生鷗鷺尋前誓

其十五

松栢亦摧折桃李豈英華
人生有榮落大抵如園葩
雨晴論桑麻豐歉講黍禾
餘生亦云足歸歟故山阿
營營逐逐人爲爾發長嗟

其十六

布褐人謂辱簪紱人謂榮
高墻匝華屋富貴滿京城
言下霜露至坐處風雲生
焉知局外人欹枕玩其情
朝來坐默默夜氣驗前清

松湖集卷之二

